

西北稀見方誌文獻

第五十五卷

中國西北文獻叢書



中國西北文獻叢書・第一輯

西北稀見方誌文獻

第五十五卷



目錄

重刊西寧志

清 蘇 銑 纂

三

青海記

清 康敷鎔 纂

一〇五

西寧府新志

清 楊應琚 纂

一四九

西寧府續志

清 鄧承偉 原本
基生蘭 續纂

五三九

大通縣志

民國 廖溪蘇 纂
劉運新 修

六五七

丹噶爾廳志

清 楊景開 纂
張庭武 修

七六五

重刊西寧志

重刊西寧志序

河西之地東極黃河南極崑崙西極嘉峪北極紫塞中設五道沿邊而列於北西寧獨列於南中隔祁連自莊浪岐而入焉漢初謂之湟中今為西寧軍民指揮使司本西戎之地海寇番回雜居逼處實當四面之衝無一郡為近援前朝勅兵備念其孤也又為之分巡分守俾其夾治之耳其地東北接莊浪東南踰河遠通臨鞏西極海隅遂入荒服南阻黃河河外則屬番彝北

隅祁連山外則屬涼莊勢如斗城內則彛漢星列周圍番帳雲集融和少違干戈滿目曰西寧者謂西寧之地寧靜也今彛納款矣而又與外各國交通隱禍難測昔都御史侯翁慮其獨處一隅孤而難支會題如遇有警河州參將應援西寧兵馬有犄角之勢番魯無易視之心洪謀巨猷壯矣哉

順治丁酉歲仲冬

賜進士出身分守西寧道陝西布政司右參議

蘇銑謹序

西寧衛

地里志

沿革內屬番彝附

西寧衛秦及漢初為西羌烏戈爰劍所據謂之湟中湟水所出故名武帝令霍去病逐諸羌及渡河湟築龍居塞因以名郡宣帝神爵三年命後將軍趙充國伐先零諸羌以其地置破羌縣屬金城郡計度臨羌東至浩疊為屯田可墾者二千頃諸羌憚服不敢動東漢因之屬金城郡漢末魏晉置西

平郡尋陷於吐谷渾晉仍為西平郡屬涼州永嘉末為禿髮烏孤所據後魏置鄯州大業初州廢復為西平郡煬帝出臨津關渡黃河至西平陳兵譙武大獵拔延山長圍周亘二千里皆此地唐平薛舉置鄯州西平郡都督府為隴右節度使治所領縣三白浪水龍支鄯城軍九白河源臨洮安人振武威戎冀門寧塞積石鎮西寧提三白浪和合川平戎肅宗上元間沒於吐蕃號青唐城元符二年隴拶降復建為鄯州仍為隴右節度三年棄之宋熙寧中王韶復河湟青唐俞龍珂率其屬十二

三

萬戶內附以龍珂為供奉官賜姓名曰包順建中靖國初復為羌人溪賒羅撒所據三年命洮西安撫王厚等合兵擊敗之羅撒以一騎遁去其母龜茲公主與諸酋以鄯州城降詔改鄯州為西寧州屬隴右節度元初為章吉駙馬分地至元二十三年立西寧州等處拘權課程所屬亦集乃路二十四年封章吉為寧濮郡王以鎮其地元末兵亂明洪武十九年長興侯耿秉文下河西收集十三年裁革永樂改元總兵宋晟

奏復置本所守禦後為黑河衝決天順八年鎮守太監蒙泰建議移於今治領十百戶所隸陝西行都司疆域東抵高臺西接酒泉南距番彝北隣胡境廣三百三十五里袤二百五十里東至合黎山二十五里南至胭脂堡六十里西至鹽池驛四十里北至毛目頭墩一百九十里東南至甘州三百里東北至亦集乃一千二百里西南至祁連山三百里西北至舊威虜城一百五十里

四

山川

西寧衛萬山環抱三硤重圍紅崖峙其左青海瀦於右一統志首峙崑崙背倚黃河舊志其隘則水包西北其險則山阻東南新志積石山地理志金城郡河關縣西南羌中枹罕西北七十里舊龍友縣界今衛境也為貢導河浮于積石即此唐貞觀中吐谷渾叛詔李靖侯君集為西海路大總管師出鄯州行空虛之地三千里過星宿川望積石原觀河

源之所出焉乃班師宋熙寧中邢恕奏乞下
熙河路遣船五百隻於黃河順流放下至會
川西小河內藏放熙河路漕使李復奏竊知
邢恕欲用此船載兵順流而下去取興州契
勘會川之西小河離水其闊不及一丈深止
於一二尺豈能藏船黃河過會川入韋精山
石硤險窄自上垂流直下高數十丈船豈可
過至西安州之東大河分為六七道散流謂
之南山逆流數十里方再合逆流水淺灘磧

五

不勝舟載此聲若出必為夏國侮笑事隨寢
按邢恕之策如復之言可謂謬矣然觀禹書
言貢賦之路亦曰浮于積石至於龍門西河
則古來此處河道固通舟楫矣而復之言乃
如此何也世代遼遠河流更變與古不同耶
又按興州乃宋元昊所都今寧夏是也

覆袁山 煬帝幸河右征吐谷渾至於覆袁山
硤口山 城東三十里地極險阻為湟鄯往來
咽喉地漢時名湟陁唐人常修閣道築省章

城控制要害又名綏遠關

金山 城西六十里番言日結脫刺上有湫池

遇旱禱之則雨為西寧望山

南禪山 城西南三里有崖洞殿宇佛像

北禪山 城西北五里有崖形如佛

蘿蔔山 城東北三百五十里延袤與雪山相

連石崖巉巖若蘿蔔之狀

阿剌古山 城東北一百八十里

雪山 城南一百里積雪四時不消

六

熱水山 城西南五百里山南出暖水流入青

海北出冷泉即古西寧河源也

紅崖子山 城東八十里其土赤因名山腰有

石洞中有佛閣

西石硤 城西七十里其陡削相對為硤

小石峽 城東三十里石山對峙半山有風婆

岩每大風禱之則息

大石硤 城東九十里如小石而尤雄壯

小硤口巖 城東一百里崖中有風岩旦夕風

聲號烈

紅崖洞 城東北一百餘里有空洞幽僻奧曲人迹罕到

牛心堆 唐貞觀九年李靖伐吐谷渾敗其兵於牛心堆即此

大小榆谷 金城西二百里漢西羌居此緣山濱水以廣田畜

湫泉 城西十里有泉周圍幾三丈其深莫測常湧沸有聲遇旱禱之則雨

那孩川 街城北

伯顏川 城西北五十里

車卜魯川 城北五里許一名幹爾朵川其源出壘加爾山下流五百六十里入西寧河

景陽川 城西北五十里舊名景約川

廣牧川 城北三十里舊名沙塘川永樂四年冬十月改今名

覆袁川 隋煬帝西巡至浩疊吐谷渾伏允帥眾保此川帝命內史元壽等圍之伏允遁去

七

蘇木蓮河 街北山之陰按漢書湟水出金城

郡臨羌縣西北東至允吾入河又輿地志云湟水經卑禾羌疑即此水也

西海 街西五百餘里海方數百里有魚無鱗背負黑點漢平帝時王莽東政諷卑禾羌獻西海之地置西海郡莽敗郡廢一名卑禾羌海俗呼青海又按集覽云吐谷渾中有青海周圍九百里中有一山至冬冰合遶牝馬其上言得龍種常得波斯草馬因生聰駒故代

八

種青海聰龍朔中吐蕃滅吐谷渾而盡有其地十三州志云青海在臨羌縣縣西有卑禾海謂之青海夏瓊詩云八月寒風吹海水三秋凍雨積層冰雲連但覺天光合月照渾疑夜色凝細鑿深沈堪下釣冷涵浩渺孰能憑由來西北多陰氣况此羌戎甚犬鷹

浩疊水 城西北一名闔門水源出塞外東至允吾界入湟水

湟水 水經曰金城東允吾縣北即湟河之源

地理志亦謂湟水所出處今碾伯河流是也
遡水 出西寧州宿軍谷東流五百里入黃河

又名遡川

宗水 在衛境西來自青海遠衛境入湟水
之南有宗谷口

西寧河 城北百步許源自熱水山北流五百
里經伯顏川至西寧與那孩川合又東南五
百里入黃河

白鹽池 在西海上今為海虜所據

水利附橋梁

西寧衛伯顏川渠 城西六十里分渠有九第
一渠灌田四十五頃八十三畝七分第二渠
灌田六十七頃五十二畝第三渠灌田五十
八頃四十七畝七分第四渠灌田五十八頃
七十三畝六分第五渠灌田六十二頃三十
三畝五分第六渠灌田五十三頃二十畝二
分第七渠灌田五十九頃一十七畝四分第
八渠灌田七十三頃三十四畝二分第九渠

灌田六十八頃四十七畝五分

車卜魯川渠 城西北九十里分渠有十第一

渠灌田六十三頃三十五畝第二渠灌田四

十四頃五十四畝八分第三渠灌田四十二

頃三十畝二分第四渠灌田四十六頃九十

六畝第五渠灌田五十七頃三十七畝八分

五厘第六渠灌田六十五頃八十六畝九分

第七渠灌田六十七頃二十一畝一分第八

渠灌田六十三頃二十一畝三分第九渠灌

田六十四頃六畝九分第十渠灌田六十二

頃八十七畝九分

那孩川渠 城南五十里分渠有五第一渠灌

田三十頃二十六畝九分第二渠灌田四十

一頃八畝九分第三渠灌田五十一頃六十

六畝九分第四渠灌田六十九頃一十一畝

五分第五渠灌田九十二頃八十四畝一分

廣收川渠 城北八十里分渠有四共灌田一

百五十頃

乞答真渠	城東南二十里灌田四十五頃三十一畝五分
哈刺只溝渠	城東五十里灌田六十二頃四十七畝二分
大河渠	城東北九十里灌田一十二頃二十八畝八分五厘
李彥才渠	城東南五十里灌田五十四頃五十七畝九分
觀音堂溝渠	城東七十里分渠有二灌田一百三十八頃五十五畝六分
紅崖子溝渠	城東七十里灌田七十二頃一十八畝二分
把藏溝渠	城東八十里灌田六十九頃五十三畝一分
壤喫塔溝渠	城東南一百里灌田五十二頃五十九畝三分
標免溝渠	城東北九十里灌田九十三頃二十畝四分

西番溝渠	城東一百三十八里灌田五十三頃六十四畝
撒都免溝渠	城東北一百二十里灌田五十九頃一十八畝
東穹木溝渠	城東北一百里灌田七十一頃八十畝五分
虎狼溝渠	城東南一百八十里分渠有二灌田一百三十七頃三十六畝七分
巴州渠	城東南二百三十里灌田六十一頃五十四畝九分
暖州上渠	城東南二百五十里灌田三十頃三十九畝二分
暖州下渠	灌田五十三頃五十六畝七分
碾伯河橋	城南五十里
那孩川河橋	城西二十步
伯顏川河橋	城西二里
西寧河橋	城北一百步
暖泉橋	城南門外

通津橋 城東關廟內

風俗

西寧衛外戎內華山阻地險俗尚佛教人習射獵夏秋少暑冬春多寒毳皮為衣酥油煎茶羹人以皮馬為禮畜養為業力農務學不殊內地舊志

十三

物產

稷 按爾雅翼曰稷為百穀之長性涼而溫益脾胃俗謂之糜各衛皆有
小麥 各衛皆有惟甘州者為佳與山東白麥無異

豌豆 一名小豆腹裏亦有而河西獨多俗確為麪與麥無異價亦相等遂用以兼給軍餉
胡麻 本草云生上黨川澤一名狗彘一名方莖一名鴻藏苗莖如麻而葉圓銳光澤嫩時

可蔬道家多食之俗用以供油

菜子 可為油

青稞麥 可釀酒各衛俱有

蠶豆 一名大豆

金 藜 茄 芥 芹 蘑菇

茄蓮 葉似藍靛根大味甜脆

沙蔥 似蔥而細 沙薑 與韭同

龍鬚 圓根 似蘿蔔而圓色青味甘脆

把丹杏 核仁甘美元人用為貢

梨 河西皆有惟肅州西寧獨佳

沙棗 有紅黃二色似棗而小花開香氣襲人

肉白似沙

芍藥 薊 嬰粟 有五色

百合 即捲丹 金蓮 有五色一名滿池嬌

紅花 各衛皆有惟西寧者佳

大黃 味苦寒一名黃良本草云生隴西今甘肅諸衛皆有惟山丹大黃有錦紋最佳

甘草 大者如椽諸衛皆有

十五

阿芙蓉 本出西域其值頗貴近入貢弄人以

針刺嬰粟得汁即阿芙蓉也胡人因呼嬰粟

名曰阿芙蓉

麝香 埤雅云麝香來射則其臍之為累也蓋

射香出自臍中回夷地多蟒蛇賴此制之

鹿茸 麋羊角 圖經云出華陰山今甘肅

俱有其形如羊青而大其角長一二尺有節

如人手指

青鹽 鸚鵡 圖經云出隴州今莊浪諸處

皆有鷹鷄 馬雞 重四五十斤青色

野雞 松雞 重一斤藍翠色 沙雞

鴛鴦 鶻 鸛 鷺鷥 天鵝

熊 虎 豹 捨里孫 即土豹一名

射獵後文彩蔚異皮可為裘 駱駝

鹿 麋 麝 羆 野馬 馬

騾 驢 野牛 大者重近千斤黑色

犏牛 力可任耕載 犍牛 尾可作纓

牦羊 尾重三斤以上

十六

羖羊 角可作器甘州有羖羊角鐙并棋子

黃羊 似羖色淡黃角花色

他刺卜花 似獾重四五十斤 黃鼠

無鱗魚 黑黃色有黑點無鱗各衛俱有惟鎮

番與西寧礮伯多

絨毛褐段 元史甘肅行省貢褐段 酥

古蹟

西寧衛鄯城縣故城 唐高宗儀鳳三年置有土樓山有河源軍西六十里有臨蕃城又西六十里有白水軍綏戎城又西南六十里有定戎城

西寧古城

有城西一南連東連環約三里

碾伯古城

碾伯西二里二城連環約三里

龍支縣故城

唐肅宗上元二年州没于吐蕃

以龍支鄯城隸河州

河源軍故城

唐置在湟州西至鄯州一百二

十里一云趙充國停侯地

白水軍故城

唐開元中郭知運張懷亮置

安仁軍故城

鄯州西北星宿川唐開元中置

振武軍故城

鄯城縣西界東距州二百里本

吐蕃鐵仞城

威武軍故城

唐開元中杜希聖收吐蕃新城

因置在鄯州西北三百五十里

樂都縣

初南涼禿髮烏孤晉安帝隆安三年

徙治此卒弟利鹿孤立徙治西平後與北涼戰敗復徙於此今碾伯是也

湟河郡晉安帝隆安三年南涼破羌苻梁饑樂都黃河澆河太守皆以郡降 石堡城在吐

蕃中鄯山其城堅三面險絕惟一徑可上唐初

吐蕃陷此城留兵據之侵擾河右命信安王禕

與河西隴右同議攻討諸將咸以石堡城險遠

難攻禕不聽開元十七年引兵深入急攻拔之

分兵據要害拓地千餘里上大悅更名曰振武

軍二十九年復為吐蕃所陷天寶八載哥舒翰

復攻拔之

西海郡漢平帝元始五年王莽

自以北化匈奴東致海外南懷黃支惟西方未

有加乃遣使誘塞外羗使言太皇太后聖明安

漢公至仁天下太平願獻地內屬乃奏以為西

海郡增法五十條犯者徙之以十萬數

樹敦城

赤水城隋煬帝大業四年裴矩以

鉄勒擊吐谷渾大破拔饅頭赤水二城其可汗

伏允南奔雪山

浩疊隘漢光武建武十一

年先零諸羌數萬拒浩亶隘焉武與馬援擊破之徙降羌致天水隴西扶風是時朝臣以金城破羌之西途遠多寇議欲棄之馬援上言如今

羌在湟中則為害不休不可棄也帝從之

虎臺城西五里河有臺九層高九丈八尺相傳

南涼王所築

孔雀樓街治南三里南禪院

山中舊傳構樓初成有孔雀來今廢夏瓚詩云傳聞孔雀舊栖遊禪院新修孔雀樓夜月談經音宛轉晴霞飛棟宇飄浮青山白雪千崖曉紫

十九

塞黃河萬里秋最是西風吹客思鄉關回首不勝愁 土臺城西五里俗傳為將臺四面九

層高九丈八尺未詳何代所築

建置志

公署

西寧衛元末西寧州舊城廢洪武十九年長興侯耿秉文始割舊城之半改築城垣周八里五十六丈四尺高五丈為門四角樓四敵樓一十九巡鋪二十四月城四池深一丈八尺闊二丈

五尺東關外城延一里許為門三 都察院

街治南 察院街治東 布政分司街治

西 按察分司街治西南隅弘治初始添設

兵備副使嘉靖戊戌副使王世爵撰題名記其

略云古之人卑陶伊傳周召所以得聞於今者

名也其性命道德之施於政者實也謨訓命誥

之著於書者其跡乎三者相因而成渾然由衷

而發君子皆無心欲其然其所以享天下後世

之大名也亦以其實之勝耳嗟乎異哉今之人

二十

乃大戾於古之人也何也名者聲華之在人耳

目者也今則務烜赫以邀名往而不追實者德

澤之淪民肌髓者也今則巧彌縫以衛實溺而

弗止跡者功業之銘鼎彝而垂竹帛者也今則

欺人炫己混名實而務圖不朽甘心以逐其跡

者又紛然而難辨其真且膺也慨乎世道之變

也此風一倡天下實困於真病於實茫茫世路

殆不知所趨矣若夫卓彼君子務實勝而恥過

情彼跡焉者又何心哉惟無心於名所以貽今

古之大名而萬代仰之歟雖然古之人不可追復矣必不得已而從政於今者蹟但如後世之去思而墮淚而口碑斯可乎繫人之得於天地者惟此實心而已蓄之極行之久可以貫金石焉今日之鐫石意或有取於斯乎彼千鬼百怪者亦罔之生也爾身雖存而心則槁木矣以人為者若夫某也忠某也佞某也直某也枉罔不供夫後之人指而議之矣嗚呼可懼哉凡同有是心者得無惕然省矣哉是用特書告夫同志

二一

以供觀風者采焉

守備廳城西南隅

茶馬司衛治北隅

西寧衛指揮使司經歷

司衛鎮撫五千戶所附在城中央洪武十九年

指揮李寶建

西寧倉城南隅洪武二十九年

年建 草場城西北隅弘治十六年都御史

劉璋奏設

預備倉城東北隅

稅課局

城東關洪武十九年指揮李寶建

陰陽醫

學俱在衛治西指揮陳賢奏設

僧綱司寧

番寺內

道紀司廣福館內

養濟院城

北門內 軍器局衛治後洪武十九年指揮

李寶建 寧遠樓衛前洪武中建 番館

衛治南隅弘治十二年建 演武場城東郭

外洪武十九年建成化三年指揮孫中重修

內演武廳城東南隅 西寧衛右所衛治東

一百三十里地名碾伯城周三里三百一十步

高四丈厚三丈五尺東南二門城樓三角樓四

月池二邏鋪一十有七池深二丈五尺闊如之

察院城西北隅以苑馬寺改建 碾伯倉場

二二

洪武十一年指揮李寶建

學校

西寧衛學城東北隅宣德三年都督史昭

奏設成化六年都御史徐廷璋檄守備都指揮

孫鑑增修見尚書王璫記嘉靖癸巳副使李經

重修成寧劉儲秀撰記其略曰惟西寧為河西

巨衛東抵金城西接甘肅山谷險阻番虜安帖

非惟軍民獲以休養而豪傑秀異之士代不乏

人開國以來文武响用樹勲業舉進士後先相

望具可考見河西他衛環而觀之自以為不可及也且其山高而水盛地固而氣完其風習元然有以自壯足以有為非若柔儒之不足以興起者比則憲副公之新茲學也豈苟為哉彼近時業儒而專治者豈非易詩書春秋禮樂之經乎其所論辯者非大學論語孟子中庸之書乎爾諸士口唯心授是矣至於反求諸己果皆體驗擴克而能約之一之者乎是則可憂也已惟爾多士群游於茲負河山靈毓之氣被明公興

二三

行之化服孔門綱常之訓勵萬代忠孝之節舍術繁趨競之文而求修己治人之實其所以見諸鄉黨者不以苟邀清議為可倖不以委曲鄉愿為自喜而律以至當歸一之理以求夫天惟人倫之至焉朝益暮習之下當自有可觀則人才之成就雖鄒魯無愧尚何邊圉之限地里之拘者耶斯固上之人興教之意也斯固上之人期待之意也爾諸士其勗之哉 敬一亭戟門前 社學有二一在衛城內一在碾伯所

一四

壇壝

舊為察院成化十四年都御史徐廷璋改建

西寧衛社稷壇城西一里 風雲雷雨山川壇城南三里 屬壇城北一里

祠祀附寺觀

西寧衛宣聖廟明倫堂前 啟聖祠 城

隍廟城西北隅洪武十九年指揮李實建

旗纛廟衛後洪武十九年指揮李定建 馬

神廟城東北隅 忠節祠儒學東以文昌祠

二四

改立漢後將軍趙充國疆弩將軍許延壽伏波將軍馬援護羌校尉鄧訓隋衛尉劉權唐經略副使婁師德宋熙河經略使王韶河州團練高永年隴右節度使王厚明長興侯耿秉文都指揮李南哥會寧伯李英指揮陳治千戶李淳百戶葛泉丁顯佛玄先祿卿三原馬理記云嘉靖間中丞趙公節鎮河西下教諸道備修舉祀事教至西寧兵備憲副李侯報曰茲湟中自漢迄今多柔遠殿邦及委身報國人副使欲祀之未